



Universitätsbibliothek Paderborn

Exemplorvm Libri Tres

Liber Primvs Siue Vis Et Virtvs Exemplorvm, Hoc est, Solatia Et Docvmenta
- Hæc Moribvs, Illa Temporibvs Nostris Adhibita

Stengel, Georg

Ingolstadii, Anno M.DC.L.

Caput XLV. Patientiæ & fortitudinis exempla, quomodo olimvsurpata
quomodo nunc vsurpanda?

[urn:nbn:de:hbz:466:1-48162](#)

inconsideratae audacia, veniano petere. Quam libens concebat, & hominem paternè instruxit, ut ab inferenda iniuria se contineret. Quo factum est, ut à viris principib[us] in honore haberetur, qui eum summæ reverentia ad Imperatorem deduxerunt. Hac ex vita S Spiridionis, docentia, quantum ex malis toleraris fructum reportent etiam aspicientes. Igitur eiusmodi exemplis fas est alijs prodesse, dum non taret prælucere. Qui sic præst, bene præst, quia proficit. Et, vt S. Leo ait, validiora sunt exempla, quam verba, & plenius est opere docere, quam voce.

S. Leo serm.
de S. Lau-
rent.

C A P V T X L V .

Patientia & fortitudinis exempla, quomodo olim usurpata, quomodo nunc usurpanda?

Exempla hæc patientiæ, quibus præire alijs oportet, iunc demum, velut per manus dabimus, si ipsi prius accipiamus. Pugnare qui docent, prius didicerunt. Arma aurem pugnantium sunt potissimum, ensis, quo, vt vulnerent, accinguntur; & scutum, quo proteguntur. In spirituali pugna gladius est verbum Dei; clypeus, patientia: hæc sustinemus, quod illud docet, sustinendum. Nec sanè docet inani eloquio, sed multiplici exemplo. Qualia etiam ethnicus Cicero arma, in hoc bello suasit usurpanda. Quæ sunt ista? inquit: contentio, confirmatio, Cicer. lib. 2. sermoq; intimus, quum ipse secum; cano turpe quidquam, languidum, non virile. Obuersentur specie honesta animo; Zeno proponatur Eleates, qui perpessus est omnia potius quam concios delenda tyrannidis indicaret. De Anaxarcho Democritio cogiteur: qui cum in manus Cypri Nicocreonis Regis incidisset, nullum genus supplicij deprecatus est, neque recusavit. Calanus Indus, indoctus ac barbarus, in radicibus Caucasi natus, sua voluntate viuis combustus est. Nos, si pes condonavit, si dens (sed fac totum dolere corpus) ferre non possumus. Opinio est enim quedam effaminata ac lenis, nec in dolore magis, quam eadem in voluptate, quæ cum liqueficiam, fluiamusq; mollitiam, apis aculeum sine clamore ferre non possumus. At vero C. Marius rusticus vir, sed planè vir, cum searetur, ut supra dixi, principio vexit se alligari: nec quisquam ante Marium solutus dicitur esse sectus. Cur ergo postea

I.

Tuscul. qq.

Cc

alijs?

alijs? valuit authoritas. Videſne igitur esse opinionis, non natura mālum? & tamen fuſſe acrem morſum doloris, idem Marius ostendit: crux enim alterum non prabuit. Ita & tulit dolorem ut vir, & ut homo, maiorem ferre sine cauſa necessariā noluit. Totum igitur in eo eſt, ut tibi imperes. Hucusque Tullius, demonstrans, ab exemplis, & auctoritate patientiam doceri, artemque vincendi doloris.

II.

Petr. Ridad
lib. 1. de vita.
S Ignatij.
cap. 1.

Quamquam exemplis illius opus non eſt: vera religio verioris patientiae exempla subministrat; & domi, quod aiant, iſta nobis naſcuntur, vt jam non ab Ethniciſ, aut aliunde necesse ſit exempla mutuari, cūm eadem, atque etiam maiora inueniantur in Christianis. Atque in primis illud, quod de S. Ignatio Societatis noſtræ Fundatore, adhuc militiam & ſeculum ſpirante, ve-ro, in doloris cum ſumma patientiâ tolerandi exemplis, Christiano Mario memoratur. Cūm enim ænea bombardæ pila crux ei dextrum confregiſſet, depulſo mortis periculo, oſſa ſolidari jam coepereant, & arctius conſtrigi: due tamen ſupererant incommoda, alterum efficiebat os ſub genu relictum, quod extra prominebat fœdius, alterum tibia contracta breuitas, qua & recte illum incedere, & pedibus firmiter conſiſtere prohibebat. Quibus incommodis ut mederetur, cūm elegantia eſſet, habituq; corporis ſtudioſum, atque institutum militaris vita curſum prosequi ſtatuifſet, ex medicis priuim quatiuit, poſſetne os illud, quod deformiter eminebat, excidi? Poſſe quidem affirmarunt, ſed grauiſſimo tamen dolore, & omeniu, quos in curatione toleraſſet, ma-ximo. Verūm ille nihil omisſus, ut ſua voluntati ſatisfacceret, & (quod me audiente narrauit, ait Ribadeneira) ut habiles atque elegantes urbanas ocreas geſtare poſſet, ſecari os juſſit: neque à proposito abduci potuit, ligariq; ſe omenino vernit, eademq; constantis animi firmitate cruciatum illum pertulit, qua ſuperiores vicerat. Atque hoc remedio deformitas oſſis ſublata eſt.

III.

Quis Marium deſideret, crux pariter, & fortis viri exempla præbentem? Et quamquam illa doloris tolerantia, non Christi cauſā ſucepta fuit, indicium tamen in Christiano erat animi, ob meliorem cauſam, atrociora & quanimiter paſſuri, ut planè poſtea tulit. Sed iſtud nunc non ago, ut hæc deducam: abunde exemplorum datum eſt. Illud oſtendo, ſuos Christianis Marios non deſile, longeque viros fortiores in Ecclesia reperiri. Quos acſit

ne sit opus in ultima Thule querere, etiam passim obuios habemus: *Purpurata est, inquit S. Augustinus, universa terra sanguine Martyrum, floret calum coronis Martyrum, ornata sunt Ecclesia memoris, insignita sunt tempora natalibus Martyrum, crebrescant sanitates meritis Martyrum.* Ita loca omnia, omnia tempora, omnia negocia Martyres nobis offerunt, & inculcant intuendos, contemplandos, imitandos: ut, quia ubique occurrunt patientiæ cauſæ, nusquam defint patientiæ monumenta; discamus. que dicere: *Quid gloriosius, quidnec felicius ulli hominum poterit ex dinina dignitate contingere, quam collegans Passionis cum Christo, in Christi nomine factum fuisse?* Ita Martyr dixit, vel Martyres effeturus, vel pacientes.

S. August. in
Psal. 118.
l. 30.

S. Cyprian.
lib. 5. ep. 12.

Videamus quid dixerit Confessor, cuius hæc sunt. Sed dicit aliquis: *Nulla ratione possum inimicos meos diligere. In omnibus scripturis Deus tibi dicit, quia potes. Tu è contrario respondes, non posse. Considera nunc, utrum tibi, an Deo debeat credi.* Et ideo quia veritas mentiri non potest, iam excusationes suas relinquat humana fragilitas, quia nec impossibile aliquid potuit imperare, quia iustus est; nec damnatur us est hominem pro eo, quod non potuit vitare, quia puerus est. *Quid tergiversamur incassum?* Nemo enim quantum possumus, melius nouit, quam qui nobis ipsum posse donavit. Tot mulieres, clerici, pueri, tantæ, & raro delicate puella flammæ & ignes, & bestias animiter pertulerunt, & nos stultorum hominum consititia dicimus tolerare non posse, qua nobis malorum hominum nequitiæ inferuntur; si possumus, etiam usq; ad mortem illorum, nostras iniurias vindicamus. Vnde nescio qua fronte, vel qua conscientia cum omnibus sanctis in aeterna beatitudine partem habere desideramus, quorum exempla sequi in rebus minimis non acquiescimus. Ita cum Martyre Cypriano Augustinus Confessor dixit.

I V.
S. Aug. lerm.
6. de temp.

Ita dixit & Confessor longiue Martyrij exantlator Chrysostomus Constantinopoli electus, atque in exilium proturbatus, ut quæ itinerum molestijs, quæ militum sauitijs consideretur, quemadmodum & confectus est. Is ergo exemplis S. Chrysost. ad Cyriac,
vti nos docens, ad Cyriacum pariter exalantem ita loquitur: Evidem cum urbe Constantinopolitanæ exigerer, nihil horum curami, sed ita mecum ipse locutus sum: si Imperatrix me proscribere volet,

Cœ 2 prescri-

V.

proscribat; Domini est terra, & plenitudo eius: si errâ discindere vult, discindat: Isaiam habeo exemplum. Si me in mare vult proycere, Iona reminiscar. Si in caminum vult coniycere, tres illos iuuenes habeo, qui id pertulerunt. Si me bestys vult obycere, Danielis nocturno in lacum leonum coniecti. Si lapidare me vult, Stephanum habeo. Pro tomartyrem. Si caput mihi vult auferre, Ioannem habeo Baptistam. Si substantiam vult adimere, adimat sanguinem: nudus egressus sum de ventre matris mea, nudus reuertar illuc. Exhortatur Apostolus: Personam hominum Deus non recipit. Si adhuc hominibus placarem, Christi seruus non essem. Et me David ipse armat, dicens: Loquebar in conspectu Regum, & non confundebar. Hæc talia cura Chrysostomo, in aduersis profiteamur, ut vel illius exemplo exemplis sanctorum inhæreamus.

VII.
S. Cyprian.
loc. cit.

Aut cum D. Cypriano, immo cum ipso Apostolo, ventis namque quatentibus, omnię periculorum tempestate in nos sequente exclamemus: Quis nos separabit à charitate Christi? pressura, an angustia, an persecutio, an famae, an nuditas, an periculum, an gladius? sicut scriptum est: quia propter te interficiunt tota die, afflatis sumus velut oves victimæ; sed in ipsis omnibus superuincimus, pro eo, qui nos dilexit. Hac & huiusmodi cum in Euangelio conlatæ perlegimus, & quasi facies quasdam ad inflammmandam fidem Dominicæ vocibus; suppositas nobis sentiamus, hostes veritatis iam non tantum non perhorrescimus, sed prouocamus; & inimicos Dei iam hoc ipso, quod non cessimus, vincimus; & nefarias contra veritatem leges subegimus: & si nondum nostrum sanguinem fudimus, sed fuisse paratussumus. Nemo haec dilatioris nostra morari clementiam iudicet; que nobis officit; qua impedimentum gloria facit; quaculum differt; qua gloriosum Dei conspectum inhibet: in huiusmodi oniro certamine, & in huiusmodi, ubi decerat fides prælio, mora Martyras non distulisse, vera clementia est. Tali sermone, immo virtute præluxit nobis Cyprianus, si lapidamus, utique securis, quandoquidem sacramenter non constant.

VIII.
S. Basil. hom.
20 de 40.
Martyr.

Sibi autem & nobis præluxere quadraginta Martyres, apud S. Basiliū, sese mutuò ad martyrium in gelido stagno calide obsequendum his vocibus incendentes: Gratias agimus tibi, Domine, quod cum isto amictu simul & peccatum oxuere licet, quoniam obseruentem

pentem enim induimus, ob Christum vero excuimus. Quis Domino,
qui pro nobis est spoliatus, dignas gratias reddemus? quid magnum ser-
uo, si ea, que passus est Dominus, subeat? Durum profecto frigus; sed
dulcis Paradisus. Affligens glacies, sed delectabilis requies. Breui tem-
pore durantes, sinus Abrahe nos perpetuo fonebit. Vnam noctem cum
auro semper no committabimus. Incendatur frigore pes, ut cum Angelis
continuo saltet. Torpescat frigore manus, ut facultatem habeat in Deum
attollendi. Quot enim commilitones nostri ceciderunt, fidem mortali
Regi servantes? Nos, profide in verum Deum seruandam, hanc vitam
non projiciemus? Quando semel mori oportet, moriamur, ut vivamus.
Fiat sacrificium nostrum coram te, Domine: & volut hostiae viuentes
tibi placentes, nosmet hoc saevo gelu immolantes abs te recipiamur. Sic
exemplum dantes pariter & accipientes, animati simul sunt, dum
exanimarentur. Neque fecellit eos spes, de fluvio enim frigoris,
ad torrentem voluptatis transierunt; symbolum afferentes tesse-
ramque caeli, superacos, Christi IESV amore, cruciatus. Ad quos
animosè excipiendo, hac ipsa ratione, & oratione tali nos acuit
Damianus. Inter pressuras & arumnas ad illum semper oculos erige,
qui te paratum est, post flagella, dulcedinis sua gremio confosores; qui te,
post turbines, & procellas, in superna quietu amoenitate constitues, & ab
oculo iuis lachrymas linteo consolationis absterges. Ita messis semen-
tem, victoria pugnam, portus nauigandi laborem excitat, &
consolatur. Isto clypeo qui se tegit, ictum non fugit, sed qua-
rit; neque verberantem odit, sed diligit, tamquam eum, qui ex-
citator sit virtutis, & causa præriorum. S. Cyprianus, ut est in S. Cyprian.
Actibus Passionis eius apud Pamelium, lecta jussu Proconsulis ta-
bellâ, in qua haec sententia erat: Tascium Cyprianum gladio animad-
verti placet, respondit, Deo gratias; & mox spiculatori 25. aureos
numerari jussit. Cur hoc fecit? exemplo inductus est ipsius Dei
hostibus suis benefacientis. Ita enim differens De bono pat.
patientia loquitur. Si nobis Dominus & Deus Pater est, sectemur patien-
tiam Dei pariter & Patris: quia & seruos oportet esse obsequentes, &
filios non decet esse degeneres. Qualis vero in Deo, & quanta patien-
tia, quod in contumeliam sua maiestatis & honoris instituta ab homini-
bus profana templo, & terrena figura, & sacra sacrilega patien-
tiam sustinens, super bonos & malos equaliter facit diem nasci, & lu-

S. Damian.
lib. 2 ep. 6.S. Cyprian.
de bono pat.

men solis oboriri, & cum imbribus terram rigat. Nemo à beneficjō eius excluditur, quō minus iustus, similiter & iniustis discretas pluvias largiatur. Videmus inseparabili equalitate patientia nocentibus & innoxījs, religiosis, & impījs, gratias agentibus & ingratis, Dei nutu tempora obsequi, elemēta famulari, spirare ventos, fontes fluere, grandescere copias mēssium, fructus mitescere vinearum, exuberare pomae arbusta, nemora frondescere, prata florere. Et cūm crebris, immo continuis exacerbetur offensis Deus, indignationem suam temperat, & præstitutum semel retributionis diem clementer expectat. Hæc docuit Cyprianus, calamo primūm, postea etiam exemplo, quando spiculatori suo benefecit.

VIII.

S Basil. hom.
24. de legen-
dis libris gen-
tilium.

Manh. 5. 11.

IX.

S. Chrysost. hom. de manuētud.

Quod quidem homini Christiano tantò debet esse faciliùs, quando audit, & legit, ab Ethnīcis quoque esse factitatum. Quamobrem D. Basilius eiusdemodi quoque exempla censuit non prætermittenda, sed cum Christiane quoque virtute regulis populo admetienda. Homo quidam, ait, in foro Periclem probis omnibus incessebat: is autem minimè curare visus toto fere die sustinuit. Deinde iam vespere discedentem cum lumine somitatus est, ne quid in Philosophia studio admitteret. Rursus quidam Euclidi Megarenſi, animo concitatus mortem se iurauit illaturum; ille verò contrā se patienter latrūturum iurauit, & ei, quamvis infesto, se conciliatum iri. Quidam vehementi impetu Socratis faciem cecidit, hic autem minimè commotus furentem debacchari, & iram satiare permisit, ex quo eum totum ex plagiis tumidum, & contusum reddidit. Ubi verò ille cedendo defitit, nihil aliud Socrates fecisse dicitur, quam fronti propria inscripsisse: Talias fecit, velut statua cuidam auctoris nomen, & eo modo se vindicasse. Que omnia profectio nostris congruentia videntur, & magnoperè imitanda censerem. Nam Socratus hoc, germanum est illi precepto, quod maxillam verberanti, & alteram præbere iubet. Illud verò Periclis, & Euclidis, simile illi, quod persequentes sustinere, ac mansuetè illorum iras tolerare, & inimicis etiam bona precari doceat. Ita S. Pater exempla etiam non sanctorum censuit usurpanda, in sanctorum instructionem.

Multò verò magis exemplo Christi nobis, & sanctorum est vtendum. Congruum est, ait S. Chrysostomus, ut quando quis contumeliam nos afficit, vel verberat, vel alia ratione affigit, sustineamus omnia.

omnia mansuetè & patienter. Etenim ipse Dominus & Salvator noster contumelìa affectus, verberatus, cruci clavis affixus, leniter tulit Iudaorum furorem; & licet posset de eis vindictam sumere, non sumpsi tamen: sed virtutem suam ostendit, eo quod concusit terram, & mortuos suscitavit, & obscuravit solem, & noctem ex die fecit. Mansuetudinem autem declarauit, quia nullum ex his, qui impie agebant, puniuit. Et quia tam mansuetus fuit ipse, ut non solism mansuetè eos tulerit, qui crucifigebant, & blasphemabant, sed & Patrem obsecraverit, ne calestibus aduersu impios telis veteretur. Idcirco cùm & tibi graue aliquid & durum ferenti subrepunt furor & ira, recordare mansuetudinis Christi: & statim mansuetus eris & clemens. Idem exempli remedium præscribit Gregorius Nazianzenus, inquiens: Si S. Gregorius quando animus tuus accepta iniuria dolore exarserit, fac tibi Christus Nazianzen, in sentent, Christiq; vulnera in memoriam veniant, quantulaq; pars bec sit eorum, terrakichis, que Dominus tuus perpessus est. Hac ratione animi dolorem velutaspersa aqua extinxeris. Neque id mirum est. Quia non est discipulus super Magistrum, nec seruus super Dominum. Si patrem familias Beelzebub vocauerunt, quanto magis domesticos eius? Denique 1. Ioan. 2. 6. qui dicit, se in Christo manere, debet sicut ille ambulauit, & ipse ambulare. Errat quis, quæ non sequitur pastorem; miles, qui declinat ducem.

Quantò facilis est ambulare post præcedentem, tantò turpius est, veteres illos sanctos ante Euangelium fecisse, quod nos, vt D. Ambrosius ait, post Euangelium didicimus, & non seruamus. S. Ambros. de Ioseph. cap. i. S. Cyprian. Quid autem fecerint prisci illi, aut quomodo in via Christi ambularent, indicat Cyprianus his verbis. Inuenimus & Patriarchas, tunc & Prophetas, & iustos omnes, qui figuram Christi imagine praecunte portabant, nihil magis custodisse in laude virtutum suarum, quam quod patientiam forti & stabili aquanimitate tenuerunt. Sic Abel originem martyrii, & passionem iusti hominis initians primus, & dedicans adversu fratrem fratricidam non resistit, nec reluctatur, sed humilis & mitis patienter occiditur. Sic Ioseph venumdatus a fratribus, & relegatus, non tantum patienter ignoscit, sed & gratuita frumenta venientibus largiter, & clementer impartit. Moysæ ab ingrato & perfido populo contemnitur frequenter, & panè lapidatur, & tamen lenus & patiente pro eisdem Deum deprecatur. In David vero quam magna & mira,

208 Cap. XLV. Doctrina, & exempla ad patientiam adhortantia.

mira, & Christiana patientia, habuisse in manu sape, ut Saul Regem persequenter se, & interficere concupiscentem, posset occidere; & tamensubditum sibi & traditum maluisse seruare, nec rependisse inimico vicem, sed occisum adhuc insuper, & vindicasse? In hunc modum Cyprianus exemplis afflictos regit atque mitifica.

XI.

Cassian. coll
19. cap. 14.

Hac meditatione nos armari, & in hostem pugnare iubet etiam Ioannes Abbas, apud Cassianum, inquiens: Cum se homo impatientia sive ira perturbationibus incurvari deprehenderit, contra vijs semetipsum obiectiobus semper exerceat, & propositis sibi multimodis iniuriarum dispensorumq; generibus, velut ab alio, sibimet irrogatis, assuefaciat mentem suam in omnibus, quae inferre improbitas potest, perfecta humilitate succumbere, atque aspera sibi quaque & intolerabilia frequenter opponens, quantu; eis occurvere debeat lenitate, omni iugiter cordiu contritione mediretur. Et ita respiciens ad illas sanctorum omnium, sive ipsius Domini passiones, uniuersa non solùm consuiciorum, sed etiam paenarum genera, inferiora meritis suis esse proununtians, ad omnem se dolorum tolerantiam preparabit. Quod si vero vel sui oblitus, vel impatientia superatus, ab exemplis illis regulaque deflexerit, tunc, eodem monente, ita se obiurgans & increpans alloquatur: Tunè ille es, bone vir, qui paulò ante te omnia superaturum mala constantissime presumebas? Quomodo invicta illa patientia tua, leuisimi verbi prolatione confessa est? Vbi est illud, quod inani fiducia bellum in pace desiderans proclamabas, Paratus sum, & non sum turbatus? Et cum Propheta sape dixisti: Proba me Domine, & tenta me, ure renes meos, & cor meum. Tali ergo semetipsum compunctionis animaduersione condemnans, inultam animi sui commotio inculam esse non sinat. Hæc ille, & alij; quos longum esset singulos narrare, & pñne etiam supervacaneum. Nam qui ex his non dificit, patientiæ exempla in suum emolumentum conuertere, numquam discet: & fortassis non sine inuidia iners, quod facere ipse solet, ab alijs fieri reprehendet. Habet ergo satis multa, qui vult imitari; nimis multa, qui vult, reprehendere: iste lapidem offensionis, ille tesseram salutis.

Psal. 118. 60.
Psal. 25. 1.

CAPUT